

BOSNA I HERCEGOVINA
FEDERACIJA BOSNE I HERCEGOVINE
VLADA
GENDER CENTAR
FEDERACIJE BOSNE I HERCEGOVINE

BOSNIA AND HERZEGOVINA
FEDERATION OF BOSNIA AND
HERZEGOVINA
GOVERNMENT
GENDER CENTER OF THE FEDERATION
OF BOSNIA AND HERZEGOVINA

Broj: 01-45-1-586-2/20
Sarajevo, 10.12.2020. godine

Na osnovu potpisanog Provedbenog sporazuma između Gender Centra Federacije Bosne i Hercegovine i Ministarstva za ljudska prava i izbjeglice Bosne i Hercegovine kojeg zastupa Agencija za jednakopravnost spolova BiH (broj: 03-05-267/19) za projekat „Jačanje kapaciteta institucija za rješavanje rodno zasnovanog nasilja u Bosni i Hercegovini“ finansijski podržanog od strane USAID-a, Gender Centar Federacije Bosne i Hercegovine objavljuje

JAVNI POZIV

za odabir supervizora/ice

O USAID projektu

Gender Centar Federacije Bosne i Hercegovine kao stručna služba Vlade Federacije BiH zadužena je za koordinaciju izrade i praćenja provedbe strateških dokumenata u oblasti nasilja u porodici. S ciljem podrške realizaciji obaveza prema Konvenciji Vijeća Evrope o sprečavanju i borbi protiv nasilja nad ženama i nasilja u porodici - Istanbulska konvencija („Službeni glasnik BiH“, broj 19/13), Akcionom planu za provedbu Strategije za prevenciju i borbu protiv nasilja u porodici za period 2018-2020 („Službene novine Federacije BiH“, broj 102/18) i članovima 36., 37. i 39. Zakona o zaštiti od nasilja u porodici („Službene novine Federacije BiH“, broj 20/13) pripremljen je projekat pod nazivom „Jačanje kapaciteta institucija za rješavanje rodno zasnovanog nasilja u Bosni i Hercegovini“. Za navedeni projekat je dana 1.8.2019. godine potpisan Provedbeni sporazum između Gender Centra Federacije Bosne i Hercegovine i Ministarstva za ljudska prava i izbjeglice kojeg zastupa Agencija za jednakopravnost spolova BiH (broj: 03-05-267/19), a finansijski je podržan od strane USAID-a.

Cilj provedbe projekta je funkcionalna horizontalna i vertikalna uvezanost institucija i organizacija koje rade na preventivnom djelovanju, postupanju i zaštiti u slučajevima nasilja u porodici. Kroz projekat je podržan rad i razvoj kantonalnih koordinacionih tijela i općinskih multisektorskih timova, te je potrebno provesti superviziju za profesionalnu

podršku u radu sa nasiljem u porodici sa predstavnicima institucija i nevladinih organizacija.

Cilj:

- Supervizija kao profesionalna podrška za stručnjake i stručnjakinje u različitim institucijama koji/e rade sa žrtvama nasilja u porodici s ciljem jačanja profesionalnih kompetencija i zaštite mentalnog zdravlja

Način rada:

- Ukupno 50 grupnih supervizijskih susreta za devet supervizijskih grupa
- Ukupno 30 individualnih supervizija

Trajanje

- Supervizija kao profesionalna podrška bi bila organizirana u periodu od decembra 2020. do marta 2021.

Opis :

- Supervizija kao profesionalna podrška bi bila organizirana na terenu.
- U slučaju nemogućnosti organiziranja supervizije na terenu, a zbog pandemije COVID-19 moguće je organiziranje supervizije i putem online platforme
- Supervizija bi se provodila individualno i grupno

Uslovi:

- Visoka stručna sprema (socijalni radnik, psiholog, pedagog, psihoterapeut)
- Završena edukacija za supervizora u pomažućim profesijama (socijalni rad, psihologija, psihoterapija)
- Posjedovanje dodatnih znanja u oblasti nasilja u porodici
- Iskustvo u provođenju supervizije

Uz prijavu potrebno je dostaviti:

- Biografija
- Dokaz o završenoj edukaciji iz supervizije
- Dokaz o radnom iskustvu

Dokumentacija i način podnošenja projektnog prijedloga:

- Prijava, biografija i dokumenti kojim se dokazuju tražena iskustva se dostavljaju lično ili putem pošte u štampanom obliku, u koverti na kojoj će jasno pisati: „**Prijava za odabir supervizora/ ice**“ na adresu:
Gender Centar Federacije BiH
Ul. Put života br. 2, 71000 Sarajevo, BiH
- Prijave se dostavljaju najkasnije do 21.12.2020. godine do 12:00.

- Kandidati/kinje koji/e budu zadovoljili/e tražene uslove bit će pozvani na intervju.

Sve prijave koje budu dostavljene na adresu Gender Centra Federacije BiH nakon definisanog roka neće biti razmatrane.

